



Ք Ա Ղ Վ Ա Ծ Ք Ն Ե Ր
ԳԵՐԱԳՈՅՆ ՀՈԳԵՎՈՐ ԽՈՐՀՈՒՐԴԻ ՆԻՍՏԵՐԻ
ԱՐՁԱՆԱԳՐՈՒԹՅՈՒՆՆԵՐԻՑ

1958 թ. ՆՈՅԵՄԲԵՐԻ 20-Ի ՆԻՍՏԻՑ

ԳԵՐԱԳՈՅՆ ՀՈԳԵՎՈՐ ԽՈՐՀՈՒՐԴԻ սույն նիստում կարգացվեցին Մայր Աթոռի Վերստուգիչ Հանձնաժողովի նախագահ պր. Ծիրեմ Ալեքսանյանի և Վերստուգիչ Հանձնաժողովի անդամ պր. Գրիգոր Բեքմեզյանի ղեկավարությամբ Մայր Աթոռի 1957 թվականի տնտեսա-ֆինանսական և հաշվապահական գործերի ստուգման արդյունքների և Վերստուգիչ Հանձնաժողովի կողմից Մայր Աթոռի ամբողջ գույքի ցուցակագրման աշխատանքների արդյունքների մասին:

Վերստուգիչ Հանձնաժողովը ամենայն բարեխղճությամբ և մանրամասն կերպով քննարկման էր ենթարկել Մայր Աթոռի տնտեսա-ֆինանսական վարչության և հաշվապահության գործունեությունը և արել մի

շարք կարևոր դիտողություններ և առաջարկներ: Այս առթիվ Գերագույն Հոգևոր Խորհուրդը որոշեց Վերստուգիչ Հանձնաժողովի նախագահ պր. Ծիրեմ Ալեքսանյանի ղեկավարման միջոցով դիտողություններն ու առաջարկությունները քննության առնել Գերագույն Հոգևոր Խորհրդի 3 անդամներից բաղկացած մի ժողովում, մասնակցությամբ Վերստուգիչ Հանձնաժողովի անդամների և Մայր Աթոռի տնտեսա-ֆինանսական գործերի պատասխանատու աշխատողների:

Պր. Գրիգոր Բեքմեզյանի ղեկավարման առթիվ Գերագույն Հոգևոր Խորհուրդը արձանագրեց իր խորին գոհունակությունը Վերստուգիչ Հանձնաժողովի կատարած բարեխիղճ աշխատանքի մասին:

1958 թ. ԴԵԿՏԵՄԲԵՐԻ 4-Ի ՆԻՍՏԻՑ

ԳԵՐԱԳՈՅՆ ՀՈԳԵՎՈՐ ԽՈՐՀՈՒՐԴԸ իր սույն նիստում որոշեց ընդառաջել Ռումինիայի հայոց թեմի թեմական խորհրդի՝ նոր տարվա և Ս. Մենդյան տոների առթիվ, երկու ամիս ժամանակով, Վրաստանի հայոց թեմի առաջնորդ գերաշնորհ Տ. Կոմիտաս սրբազանին Բուխարեստ հրավիրելու խնդրանքին, ի մխիթարություն հայ հավատացյալ ժողովրդի, և կատարելու քահանայական ձեռնադրություն:

ԳԵՐԱԳՈՅՆ ՀՈԳԵՎՈՐ ԽՈՐՀՈՒՐԴԸ իր սույն նիստում, հարգելով Նոր-Նախիջևանի և Հյուսիսային Կովկասի հայոց թեմական

խորհրդի միջնորդությունը, որոշեց Նոր-Նախիջևանի Ս. Գրիգոր Լուսավորիչ եկեղեցու նորոգության ծախսը, շուրջ 40 000 ռուբլի, վճարել թեմի՝ Մայր Աթոռին հասանելիք եկեղեցական հասույթների հաշվին:

ԳԵՐԱԳՈՅՆ ՀՈԳԵՎՈՐ ԽՈՐՀՈՒՐԴԸ սույն նիստում որոշեց, Ադրբեջանի հայոց թեմական խորհրդի միջնորդագրի հիման վրա, ծերունազարդ Տ. Համազասպ քահանա Աբրահամյանին և Տ. Գրիգոր քահանա Սարգսյանին ամսական 300-ական ռուբլի կենսաթոշակ նշանակել, 1959 թվականից սկսյալ:

ԳԵՐԱԳՈՒՅՆ ՀՈԳԵՎՈՐ ԽՈՂԶՈՒՐԴԻ ԻՐ սույն նիստում մեծ ցավով քննության առնելով վերջին ամիսներին Բեյրութի հայ ժողովրդի ծոցում կատարված տխուր դեպքերն ու եղբայրասպան ընդհարումները, որոնք ավելի խորացնում են Լիբանանի հայության միջև գոյություն ունեցող տարածայնությունները և վարկաբեկում են հայ ժողովրդի անունը օտարների առաջ, որոշեց արձանագրել իր խորունկ վիշտն և խնդրել

Վեհափառ Հայրապետին՝ հայրական հատուկ կոչով դիմել Լիբանանի ողջ հայության և հորդորել բոլորին՝ վերջ տալու եղբայրասպան այդ տխուր դեպքերին:

Գերագույն Հոգևոր Խորհուրդը իր ցավակցությունն, արտահայտելով տուժած հայ ընտանիքներին, խնդրեց Վեհափառ Հայրապետին 25 000 լիբանանյան ոսկի հատկացնել այդ նպատակին՝ Մայր Աթոռ Ս. Էջմիածնի միջոցներից:

1958 թ. ԴԵԿՏԵՄԲԵՐԻ 11-Ի ՆԻՍՏԻՑ

ԳԵՐԱԳՈՒՅՆ ՀՈԳԵՎՈՐ ԽՈՂԶՈՒՐԴԻ սույն նիստում կարդացվեց Հյուսիսային Ամերիկայի Միացյալ Նահանգների հայոց Արևելյան թեմի թեմական պատգամավորական ժողովի նույնաբեր 17 թվակիր պաշտոնական գրությունը թեմակալ նոր առաջնորդի՝ գերաշնորհ Տ. Սիոն արքեպիսկոպոս Մանուկյանի ընտրության հաստատման մասին:

Գերագույն Հոգևոր Խորհուրդը, արձանագրելուց հետո իր գոհունակությունը այն մասին, որ Ամերիկայի Միացյալ Նահանգների հայոց Արևելյան թեմի թեմական պատգամավորական ժողովը տեղի է ունեցել բոլոր պատգամավորների համերաշխությամբ և միասնական միջոցառում և դրանով արտահայտվել է թեմի հայ հավատացյալ ժողովրդի կողմ համախմբումն ու ազգային-եկեղեցական միասնությունը Հայաստանյայց Առաքելական Եկեղեցու և նրա դարավոր կենտրոն Ս. Էջմիածնի շուրջ, և նկատի ունենալով թեմական պատգամավորական ժողովի կատարած նոր ընտրության օրինականությունը, որոշեց խնդրել Վեհափառ Հայրապետին՝ հայրապետական հատուկ կոնդակով շնորհավորել և հաստատել Սիոն արքեպիսկոպոսի ընտրությունը իբր թեմակալ առաջնորդ Ամերիկայի Միացյալ Նահանգների հայոց Արևելյան թեմի:

ԳԵՐԱԳՈՒՅՆ ՀՈԳԵՎՈՐ ԽՈՂԶՈՒՐԴԻ ԻՐ սույն նիստում հաստատեց նաև Բուզա-

րիայի հայոց թեմի թեմական պատգամավորական ժողովի կողմից ընտրված թեմական խորհրդի նոր կազմը, որի մեջ ընտրվել են Լ. Համբարձումյանը, Ս. Փաշաճյանը, Ս. Հովհաննեսյանը, Հ. Գալյանը, Ռ. Մեսրոպյանը, Լ. Մեծատուրյանը և փոխ-անդամներ Հ. Գույումճյանը և Գ. Ասլանյանը:

Վերստուգել հանձնախմբի մեջ ընտրվել են Ն. Քիրաջյանը, Ե. Սարաֆյանը, Գ. Տերտերյանը, փոխ-անդամ Մ. Վարդազարմյանը:

ԳԵՐԱԳՈՒՅՆ ՀՈԳԵՎՈՐ ԽՈՂԶՈՒՐԴԻ վերոհիշյալ նիստում քննության առնվեց նաև Սպահանի հայոց թեմական խորհրդի նամակը, Սպահանի թեմը Մայր Աթոռ Ս. Էջմիածնից բաժանելու փորձի մասին:

Գերագույն Հոգևոր Խորհուրդը, Սպահանի թեմական խորհրդի այդ փորձը համարելով հակակառնական և չեղյալ, որոշեց խնդրել Վեհափառ Հայրապետին՝ հատուկ հորդորական կոչով դիմել Իրանի հայության, հրավիրելով իրանահայ ողջ գաղութի ուշադրությունը քաղաքական մրցակցություններից հրահրված և թեմադրված այդ հակակառնական, եկեղեցաքանդ և ազգակործան փորձի տխուր հետևանքների վրա, հորդորելով միաժամանակ բոլորին՝ հավատարիմ մնալ Ս. Էջմիածնին և Հայաստանյայց Առաքելական Եկեղեցու ազգային-եկեղեցական միասնականության ոգուն և սկզբունքներին:

1958 թ. ԴԵԿՏԵՄԲԵՐԻ 23-Ի ՆԻՍՏԻՑ

ԳԵՐԱԳՈՒՅՆ ՀՈԳԵՎՈՐ ԽՈՂԶՈՒՐԴԻ սույն նիստում կարդացվեց Հունաստանի հայոց թեմական խորհրդի դեկտեմբեր 8 թվակիր պաշտոնական գրությունը՝ թեմի ազգային-եկեղեցական գործերի կացության մասին:

Գերագույն Հոգևոր Խորհուրդի որոշումով, արժանապատիվ Տ Արմենակ-Մեսրոպ քա-

հանա Տեր-Հակոբյանը նշանակվեց Հունաստանի թեմի առաջնորդական տեղապահ:

Գերագույն Հոգևոր Խորհուրդը խնդրեց Վեհափառ Հայրապետին՝ հաստատել Հունաստանի առաջնորդական տեղապահի պաշտոնը և Տ. Արմենակ-Մեսրոպ քահանային շնորհել ավագության պատիվ:

